

ENNAAN EO AN RITÖL RO AN ERIA

Ta visōn eo im kālet ko raorōktata an Irooj n̄an n̄a im baam̄le eo aō?

Jān Johnny Leota
Area Seventy

Ke baam̄le eo am ekar bōk kajjitōk in im dāpij wōt visōn in im kālet in “Kanaan” ko raorōktata an Karōk eo an Pacific Eria¹, kōm̄ ar lukkuun etale im kejōkļokjeŋ kōn men kein n̄an baam̄le eo am im n̄an kōm̄ make. Kōm̄ ar eñjake an Irooj im̄we kōm̄ im kar jino kōnono im rekooti kōttōbar ko an baam̄le eo am ekkar n̄an kajjojo iaan kālet ko raorōktata.

Ilo ad kejōkļokjeŋ kōn kālet eo eaorōktata n̄an “Kōļapļok [ad] Uññare Peid Make ilo Jetōb im Kanniōk”, im kōttōbar ko n̄an “Wōnmaanļok im pukot ekkatak im jeļāļokjeŋ jān tōmak”, kōm̄ ar eñjake bwe kōm̄in ukōte wāween am ekkatak jeje ko rekwojarjar āinwōt juon baam̄le. Kōm̄ ar pepe bwe kōm̄ naaj riiti Bok in Mormon eo ippān doon ilo raan in Jabōt, ak ilo raan ko jet ilo wiik eo kōm̄ naaj riit im ekkatak jān jebta eo kar letok bwe kōm̄in riiti ippem make im kobatok ippān doon ilo raan eo juon n̄an kwaļok im ekōnono kōn ļōm̄ņak ko im im̄we ko ippān doon.

Kajjojo raan ilo am kobatok ippān doon n̄an ekkatak jeje ko rekwojarjar, kōm̄ naaj jino kōn jar in kōppeļļok innām juon ilok juon enaaj kwaļok ippem juon men eaorōk ekar bōke jān ekkatak ko am make. Kōm̄ naaj itok ilo am eñjake im̄we im ketak. Kōm̄ naaj kar eñjake am epaakeļok doon. Kōm̄ ar eñjake an bar kobatok

kajoor n̄an naan in kaṃool ko am im juon kallimur eļapļok im iakwe n̄an Jemedwōj Ilañ im ad Rilomqor, Jisōs Kraist.

An juon make ekkatak jeje ko rekwojarjar ilo an maanjabpopo n̄an raan in ekkatak jeje ko rekwojarjar tok an baam̄le ekar juon iien ekaṃō-ṃōṃō n̄an n̄a. Ekar itok limoeō ilo aō kejōkļokjeŋ kōn eoon ko me rekar lujur eō, ļōm̄ņak ko jet im loļokjeŋ ko renaaj kōmeram ļōm̄ņak eo aō im kōppeļļok meja n̄an aō mejeļe, ippān tok juon kaṃool eṃool an jetōb eo, ej kaṃool ṃool eo.

Ilo Bok in Mormon, rikanaan Alma ekar katakin Hilamōn ļaddik eo nejin, “. . . bwe jān men ko reddik im reļam waan men ko reļļap rej kūrṃool; im wāween ko reddik ilo elōñ wāween ko


rej kapok eo emālōtlōt. . . Im Irooj Anij ej jermal ilo wāween ko n̄an kwaļok tok un ko An reļļap im rej n̄an indeeo; im jān lukkuun wāween kein reddik Irooj ej kapok eo emālōtlōt im bōktok loṃqor an elōñ armej.”²

Ij tōmak bwe “men ko reddik”, āinwōt an Alma kōmejeļeiki, ej visōn im kālet ko raorōktata ilo Karōk eo an Pacific Eria. Bwe “men ko reddik im reļam waan” n̄an baam̄le eo aō ekar juon unoojdikdik an jetōb eo kōn wāween am kōļapļok am uññare peim make ilo jetōb im kanniōk ilo am bar kālet juon wāween am ekkatak jeje ko rekwojarjar ippān doon. Tōmak eo aō im aō lōke ilo Jemedwōj Ilañ im ilo Jisōs Kraist im Pinmuur eo An ekar kōļapļok im ej wōnmaanļok wōt im kōkajoor n̄a im baam̄le eo aō.



Elder Johnny Leota

An juon make ekkatak jeje ko rekwojarjar ilo an maanjabpopo n̄an raan in ekkatak jeje ko rekwojarjar tok an baam̄le ekar juon iien ekaṃōṃōṃō n̄an n̄a.



Büreejtōn Thomas S. Monson ekar kakeememej kōj bwe, “Jēj mour ilo juon tōre eļap jorrāān im nana ie.” Innām ekar kwaļok juon kajjitōk elukuun aorōk, “Ta eo enaaj kōjparok kōj jān jerawiwi im nana rej waļok ilo laļ in rainin?” Ej uwaak, “Ij kōmṁṁan bwe juon naan in kaṁool kōn ad Rilōmṁṁor, Jisōs Kraist, im kōn gospel eo An enaaj jipaṅ kōj kōn kōjparok.”³

Büreejtōn Monson ekar kajjitōk ippād kajjojo bwe “jen lukkuun ekkatak im kejōkļokjenṁ kōn Bok in Mormon kajjojo raan. Ilo ad kōmṁṁan āindein, jenaaj likūt kōj ilo juon wāween emaroṅ roṅ ainikien Jetōb eo, ṅan jumæ kapo, ṅan anjo jān pere im mijak, im

ṅan bōk jipaṅ an laṅ ilo mour ko ad.”⁴

Ij kaṁool bwe visōn im “kālet in kanaan ko raorōktata loi ilo Karōk eo an Pacific Eria rej jān ro me jej rejtake er āinwōt Rikanaan ro, Rilolo ro im Rikwaļok revelesōn ro.

Jen iṁwe jen jetōb eo kōn visōn im kālet ko raorōktata an Irooj kōn kwe im baamle eo aṁ. Rijilōk Paul ekar jeje ṅan Timote, “Jab jerowaane menin letok eo me ej pād ilo kwe . . . Kejōkļokjenṁ kōn men kein; leļok aolepān aṁ ṅani; bwe aṁ jeraamṁṁan en maroṅ waļok ṅan er aolep . . . Kwōn eṁroṅ eok make, im ṅan katak ko; wōnṁaanļok kaki: bwe ilo kōmṁṁan āindein kwōnaaj jimor lōmṁṁoren

eok make, im er ro rej roṅjake eok.”⁵

Kōjerbal menin letok ko me Anij eṁōj an kōjeraamṁṁan eok kaki ṅan bōk iṁwe im revelesōn ṅan baamle eo aṁ im kōpooj eok make ṅan menin letok ko reļļapļok me Jemedwōj Ilaṅ ekar kōpooji ṅan eo ej wānōk, aet mour indeeo. ■

FOOTNOTE KO

1. 2017 Karōk eo an Pacific Eria; Visōn: Kōkajoorļok baamle ko im kajjojo armej ilo ad kōļapļok tōmak im leke ilo Jemedwōj Ilaṅ im ilo Jisōs Kraist im Pinmuur eo An Kālet in “Kanaan ko” Raorōk: Kautiej Raan in Jabōt; Kōļapļok Uṅṅare Peid Make ilo Jetōb im Kanniōk; Kōmōkajļok Jerbal in Lōmṁṁor; Pukōt Kōjeraamṁṁan ko an Tampeļ.
2. Alma 37:6–7.
3. Thomas S. Monson, “Kajoor eo an Bok in Mormon eo”, *Ensign*, Eprōļ 2017 Kweilok eo Eļap.
4. 1 Timote 4:14-16
5. Katak im Bujen ko 14:7.

BWEBWENATO KO ILO PACIFIC

Katōk Jikin Kallib ko ilo Marshall Islands ṅan Tariṅaeik Tōṅal

Jān Mormon Newsroom

60 iiō ko remootļok, tōṅal ekar jab waļok ilo Marshall Islands. Ak kiiō, kōn an lōṅ ṁōṅā ko wiakitok im eļap kaṅi, tōṅal im wāween ko rekauwōtata waļok jāni repād ilo juon joṅak eo eļap ilubwilijin armej in laļ eṅ.

Iuṁwin tōl eo an Jonathon—juon rūkaki eo eļap an wūjleplok ilo Assumption High School, eo ej jokwe ilo Majuro, jikin kweilok eo eļap ilo Republic of the Marshall Islands—rijikuuļ ro rej ekkatak kilen katōk jikin kallib ko ewōr pejitābōļ rōüne.

Rej barāinwōt ekkatak wāween kein remṁṁan im oktak ippān doon ippān wāween mour ko roktak me remaroṅ jipaṅ er bōbrae tōṅal.

MORMON NEWSROOM



Rijikuuļ ro ilo Assumption High School rej ekkatak kilen katōk jikin kallib ko ewōr pejitābōļ ko ie.

Jipaṅ ko jān LDS (mennin jipaṅ ko jān Kabuṅ eo an Jisōs Kraist im Armej ro Rekwojarjar ilo Raan-ko Āliktata) im Taiwanese Technical Farms (TTF) im Canvasback Wellness Center jermal ṅan kajjieoṅ leļok bwidej eo eṁōj kūṅe im ine ko ṅan jikin kallib in an jikuuļ in. Jukjukin pād in ej kōmṁṁane ijo koṅaer ilo aer aiintok pāp in nii ko me rej jāniji ippān TTF ṅan bwidij in jikin kallib.

Mōṅā in rālep ko rej kōpooji ilo jikuuļ eo kōjerbal pejitābōļ ko im kōjatdikdik bwe rijikuuļ ro renaaj būki kapāal kein rekar ekkatak im kōjerbali



Büreejtön Eyring ej likūt an ennaan ilo New Zealand

Jān Shilo Kino

Ejjab aolep raan ruo Rijilök rej lotok kom̄ ilo juon wöt iien.

Ak ñan Armej ro Rekwojarjar ilo Temple View, Hamilton, ak ekar juon iien me reban meļokļok.

Büreejtön Henry B. Eyring, rikakpi-löklök eo kein kajuon ilo Büreejtönji eo Kein Kajuon, ekar pād ilo New Zealand ñan aje David O. McKay Stake and Culture Events Centre eo ekāal im em̄ ko jet im jikin jermal ko ilo Temple View, Hamilton.

Rijilök Neil L. Andersen im Bisop Dean M. Davies jān Bisoprik eo ej Töl rekar kobaļok ippān.

“Temple View ej juon jikin em̄man, jikin ekwojarjar,” Büreejtön Eyring ekar ba.

“Em̄ool. Aolep iien ij pād ijin, ij eņjake eņjake in. Ikar pād ijin ippān Büreejtön Hinckley im Büreejtön Monson mokta. Imaroñ eņjake tōmak eo an armej ro ijin. Elōñ armej ro rem̄man ijin.”

Büreejtön Eyring ekar lukkuun obrak jikejuuļ eo an ilo loļok eo an ñan Temple View, loļok Wendell B. Mendenhall Library, ekoba Matthew Cowley Pacific Church History Centre and Museum.

“Ewōr juon un bwe jen kōnono kōn baamļe ko ad,” ekar ba.

“Jejjab kōņaan baj kōm̄mani men ko rem̄man ippān baamļe ko ad, jekōņaan

↑ *Tōñal im wāween ko rekauwōtata waļok jāni repād ilo juon joñak eo eļap ilubwilijin Marshall Islands.*

↓ *Ippān tok būrojāak in jikin kallib eo, jikin kakkōlkōl in tōñal ko aolep wiik, jeļāļokjeņ, im maķūtkūt in bōbrae ko repād ñan baamļe ko*



ilo aer katōk jikin kallib ko aer make.

Ilo kakkobaba ñan jipañ būrojāak ko āinwōt jikin kallib ko ilo Assumption High School, jikin kakkōlkōl tōñal kajjojo wiik, jeļāļokjeņ, im bōbrae maķūtkūt ko rej leļok ñan baamļe ko im jukjukin pād ko rej jokwe ie jān Community Lifestyle Program (CLP) tōl jān Canvasback Wellness Center im ekoba Jipañ ko jān LDS, College of Marshall Islands (CMI), Ministry of Health (MOH), Taiwanese Health Center and MalGov (local government). Kōttōbar ko an kakkōlkōl kein rej ñan kalikkar nañinmej in tōñol ko jab jeļā kaki im būki ñan mađmōdi ñan bōbrae jorrāan ko reļļap jān nañinmej in.

Ippān tok kakkōlkōl in tōñal kein im jeļāļokjeņ kōn imminene in mour, Jipañ ko jān LDS kar jipañļok kōn 116 bōok in ine ko im bwidej ko ñan armej ro ilo jukjukin pād eo. Leļok m̄weiūk ko im kamminene eo ñan katakin armej in jukjukin pād eo kilen katōk m̄ōñā ko kijeer make ej kwaļok ñan ad kōjparok im kamminene an jukjukin pād eo.

Ippān tok bōok in ine ko im bwidej ko, kumi ko rej m̄ōttan būrojāak rej leļok katakin ko, ine ko im jububub ko kōm̄man loļok ko jān TTF im Canvasback Wellness Center.

Katakin kōmat ko rej barāinwōt m̄ōttan wōt būrojāak in uññare peid make in ekāal. ■



Büreejtön Henry B. Eyring, rikakpilöklök eo kein kajuon ilo Büreejtönji eo Kein Kajuon, ekar päd ilo New Zealand ñan aje David O. McKay Stake and Culture Events Centre eo ekääl im mōko jet im jikin jermal ko jet.

in kōmmani jermal ko an tampeļ bwe jen maroñ liāp. Armej renaaj itok ñan Centre in, eļaptata armej ro me rej jān eria in, im bōk eñjake ko remmān ilo jetōb. Imaroñ pijaik armej ro ilo laļ eo an jetōb rej kabokbok!

Innām ekar loļok Kai Hall im kar lukkuun lale bwe eo mōttan en ioon 50 kar Mijenede rej Jermal ilo George R. Biesinger Hall.

Elōñ mijenede ro rej jermal rej pād ijin rej kōmmane juon jermal eļap ilo kalōk Kalōj an Kabuñ in, imōnjar ko im tampeļ ko ilo New Zealand.

Kahu Katene ekar leļok ñan Büreejtön Eyring, Elder Neil L. Andersen im Bisop Dean M. Davies im rilotok ro jet juon naan in karuwainene in Maori.

Innām Büreejtön Eyring ekar kaṃoolol mijenede ro.

“Kom ar jermal ilo jermal eo an Irooj,” ekar ba.

“Ej kaṃoolol eok. Ij kwaļok kōn E im kaṃoolol eo an Rilomqor eo ñan kom aolep.”

Kar juon mijenede Sister Lillian Kershaw, 81, ekar pād ilo aje eo.

Ļeo päleen Tom ekar 8-9 iiō ko āinwōt juon ribirōk, jipañ kalōk Kalōj eo

an Kabuñ in im tampeļ ilo 1952. Sister Kershaw ekar jermal āinwōt juon rijeje iumwin juon iiō im jimettan.

“Bwe en make kaṃoolol kōj, ekar lukkuun imwe eō,” liin ekar ba.

“Im ñan ļōmņak ke ekar kajjitōk an itok im pād ippem. Ekar jab aiku j in itok im ba komṃool. Ak ekar ba. Ekar juon eñjake aiboojoj. Ekar juon aiboojoj.”

“Ikar lo an deļōntok im ikar jino al eo Whakaria Mai. Ekar ļōmņak in kōmmane. Ekar kōmman bwe waļok juon jetōb ekajoor ikar eñjake ilo ruum eo. Ekar āinwōt ñe Irooj ej pād ippem, emool, ekar juon kōjeraamman.”

Innām Eyring ekar etal wōt im alooje 200 Armej ro Rekwojarjar rej ikkure



Büreejtön Eyring ej iakiakwe mijenede ro jermal

juon ikkure in manit ekar kōmman ilo David O. McKay Stake im Cultural Events Centre eo.

“Ekar juon kōjeraamman eo emman,” Büreejtön Eyring ekar ba.

“Ekar lukkuun aorōk jikin in. Elukuun jejjet im dedeļok. Ijjab maroñ tōmak menin. Ekar kajoor jetōb eo ie.”

Ilo jibboñ in Jādede eo, Rikwojarjar ro rekar kuktok ippān doon ilo stake center eo ekääl im aolepān laļ in ilo social media kaṃool e an Büreejtön Eyring aje Temple View Facility ko.

Ekar jiroñļok Rikwojarjar ro bwe aje eo ekar “juon ijino eo eļap”.

Ekar kōnono kōn kar itaakļok eo ilo New Zealand 40 iiō ko remootļok, joļok jet iien ippān make im tallōne juon toļ edik mae iien ekar tōpar utiej in wōt tampeļ. Innām ekar jijet ioon kōbañ eo an im jīnaiki juon pija in jikin eo ipeļaakin.

“Ijjab jeļā ñe ikar bōk ta eo ikar eñjake raan ņe,” ekar ba. “Ikar eñjake juon eñjake ke ikar reilok im kalimjōke juon jikin ekwojarjar.”

Ekar mōkaj im jītōñļok tampeļ eo ekääl ej ekkal ekar jermal eo an Irooj.

“Irooj ekar kōmmane. Im rikaļoor ro rekar kaarmejet im jermal ñan doon im jermal ñan e iumwin epepen ko.”

Mokta jān an aje mweo, ekar kakeememej aolep meļeļin,

“Juon aje ej juon jar in kōppeļļok jiroñ Anij, Jemed, eñin ej An. Jej kaṃoolol bwe ewōr ippem em kein im kōm naaj kōmmane ta eo Kwōnej kōṃaan bwe kōm in kōmmani kake. Eļaptata, kōmjij ajewaj būruwōm.”

Innām ekar leļok jar in aje eo. ■

Mama eo Edik ej Bök Kapāāl ko im Kōkmanman Mour

Jān Mormon Newsroom

Ito itak eo an Caroline ekar ijjino āinwōt juon māma eo ejjeļok pāleen jermal ilo juon baar ilo Apia, Samoa. Juon raan ilo jikin jermal ekar kalimjōk ruo rūtto rej ijjet ilo rejtōrōn eo im ekar jibadōkļok er. Rekar jino bwebwenato, im rūtto ro rekar jironļok e bwe rej jet mijenede ro an Kabuñ eo an Jisōs Kraist im Armej ro Rekwojarjar ilo Raan-ko Āliktata.

Rūtto rein, Maurice im Alecia McBride, rekar kōmeļeļeiki jet iaan tōmak ko aer im Caroline ekar lukkuun itok limoin. Jān tōre eo, im ālkin an kar ekkatak eļapļok, Caroline ekar kobatok ilo Kabuñ in.

Kōnke juon iaan katak ko an Kabuñ in ej rōjañ jab idaak dān in kadōk ko, ālkin kobatok, Caroline ekar eņjake bwe ekar jab ekkar bwe en wōnmaanļok ilo jermal eo an ilo baar eo. Ijoke, baamle eo an rekar ļōmņak bwe ekar jab juon ļōmņak eo me emņan bwe en kabōjrak an jermal kōnke ewōr juon nejin ajri jilu an iio, Molly, eo ej aikuj in lale. Ekar ilo iien in me Caroline ekar eņjake bwe ej aikuj in divōjļok jān mweo imōn.

Aikuj in jipañ, baamle eo an Pauga rekar kajjitōk im kōtļok an Caroline im Molly jokwe ippāer. Ke ej jokwe ijo, Caroline ekar ekkatak eļapļok kōn Kabuñ in im kar ejaake juon ikdeleel nān etal nān tampeļ eo an armej ro rekwojarjar ilo raan-ko āliktata. Ilo Māe eo ilo iio in ekar kōttōbrak kōttōbar eo.



Caroline māma eo ejjeļok pāleen ekar ba bwe Kabuñ in ekar ukōt mour eo an.

Ālkin aer ekkatak kōn jekjek eo Caroline ej pād ie, McBride ro rekar kepaake Pesaga Dental Clinic an Kabuñ in kajjitōk nē remaroñ leļok kammine- ne nān Caroline im ejaake juon kapāāl āinwōt juon rijipañ rikōmņan nīi.

McBride ro rekar wōnmaanļok im jipañ Caroline iien eo pād ekkatak ilo clinic eo. Ālkin juon iio in an pād ilo kammine, Caroline ekar ejaake jeļāļokjeņ eo ebwe im kapāāl eo nān an kanne nān juon jermal ilo jikin kōmņan nīi ko ilo aujipitōļ.

Ekkar nān Linda Spencer, eo me ļeo pāleen, Dr. George Spencer, ej juon mijenede ej jermal aolep raan im jermal ilo Pesaga Dental Clinic, Caroline ejjab etto ekar erom juon rijipañ rikōmņan nīi eļap aer iakwe ilo jikin kōmņan nīi eo. Ālkin jidik iien, nān kwaļok kapāāl eo ewōr ippān, Caroline ekar jino kōmņan jermal in jipañ ilo aujipitōļ eo ilo

raan in kakkije ko an. Ijeņ, barāinwōt, ekar barāinwōt wiin, ippān jejo rikōmņan nīi ro kajjitōk bwe en aer rijipañ.

Āliktata, juon raan ilo Māe 2017, ekar jino lukkuun jermal, kōļla jān aujipitōļ eo. Kiiō emaroñ in lale e make im leddik eo nejin.

Ālkin an kadedeļok kammine eo an im bök juon jermal, jikin jermal ej kōļlaiki, ekar bar juon alen mour ippān baamle eo an, ekoba jimaan eo ekar kōkkaajriri.

Caroline kiiō ej kōjatdikdik in wōnmaanļok ekkatak kōn jermal eo an ekar kālete im nān an erom juon rikōmņan nīi.

Nān kiiō, Linda ej ba, “Oktak eo ippān jān juon iio emootļok ekabwi- lōñlōñ. . . . e ej juon juron meram. E ej juon leddik elemōņōņō.”

Linda ekar wōnmaanļok wōt, “(Caroline) ekar juon waanjoñak eļap in juon armej eo me ekar jelmae eļap apañ bōtaab ekar kijejeto im kar bök ilo mōņōņō jabdewōt men enaaj tōļļok e nān juon mour emņanļok. Ekar jelmae aolepān men kein kōn ettōñ dikdik im juon tōmak eļap im kōjatdikdik.”

Dr. Spencer im Linda Spencer ekar wōr aerro ejja kain lale im kōjparok rot in nān ro rekar itok im jipañ ilo Pesaga Dental Clinic.

“Kōmij iakwe aer al, aer kōmņan kōjak, aer kajjirere; im er aolep rekar ļap aer jipañ,” Dr. Spencer ekar ba. ■



Church History Centre eo ekāāl ej kein kajuon ilo Pacific

Church History Centre eo ekāāl—Ej kein kajuon ilo Pacific

Jān Mormon Newsroom

Kōppeļļok eo an Matthew Cowley Pacific Church History Center eo, kaloojoj eo nān aolep armej, “Unto the Islands of the Sea—A Pacific Testimony,” ekar kōmḡman ḡoktaļok ilo iio in ilo Juun eo.

Epād ilo ḡweo rekar kōkāāle Wendell B. Mendenhall Library ilo kar kāāmbōj eo ḡokta an Kaļōj eo an Kabuñ in ilo New Zealand ilo Hamilton.

Jikin kaloojoj an centre in ej kwaļok men ko bwinnid etto jān bwebwenato ko an Kabuñ in ilo Pacific in ekoba 21 laļ ko im laļ jiddik ko im ej kwaļok bwebwenato rekajoor kōn tōmak, jermal in mijenede, jeļāļokjen, jermal in jipañ im wūjleplok ko.

Elōñļok jān 70 men ko bwinnid kar jilkintok jān Salt Lake City nān maroñ kobaiki ilo kaloojoj in ekāāl barāinwōt ko jet kar kōkñj nān indeeo. Rekar kobaļok IPPAN elōñļok jān 500 rekoot ko kar aini im men ko bwinnid jet emōj kar kōjparok ilo laļ kein im kiiō rej pād ilo centre eo ekāāl.



PUBLIC AFFAIRS LIBRARY

Elder Steven E. Snow, jān Doulul eo Kein Kajuon an Jiljilimjuonñoul eo, Church Historian im Recorder im Executive Director eo an Church History Department ekar kwaļok, “Ilo kar joñoul iio ko rej mootļok, Church History Department eo ekar kile aikuj eo nān aiintok, kōjparoki, im kwaļok bwebwenato an aolepān Kabuñ in ilo jikin ko rekar waļok jāni. Jej ḡōñōñō bwe āliktata ḡwein emaroñ pād ilo Hamilton, New Zealand nān kōmḡmane wāween in nān Pacific Area.”

“Ej jāmin bar ilok rekoot kein im men kein bwinnid nān Salt Lake City, ak renej pād im kwaļok nān ro jet ilubwilijin Armej ro Rekwojarjar ilo Pacific. ■

Elder im Sister Nielsen rej Ba lakwe

Jān Mormon Newsroom

Ālkin jilu iio in jermal in jipañ ko, Elder S. Gifford Nielsen, jān Jiljilimjuonñoul eo, an Kabuñ eo an Jisōs Kraist im Armej ro Rekwojarjar ilo Raan-ko Āliktata, im kōrā eo pāleen Wendy Nielsen, rekar ba iakwe nān aolep armej ro ilo Pacific wiik eo kiiō.

Nielsen rein rekar itaaktok ilo New Zealand ilo Juļae 2014.

Elder Nielsen ekar jermal iumḡwin jilu iio ko remootļok āinwōt juon uwaan Pacific Eria Būreejtōnji eo an Kabuñ in. Enaaj wōnḡmaanļok wōt im jermal ilo jermal ko an ritōl ilo opij ko reļļap an Kabuñ in ilo Salt Lake City, Utah.

Ilo an kar bok jermal in nān jermal ilo Pacific in, Nielsen rein rekar lukkuun ḡōñōñō.

“Ke naan ko rekar waļoktok jān loñiin Būreejtōn Eyring bwe kōḡ naaj kar kūr nān Pacific Eria, ikar obrak kōn eñjake in kaḡoolol,” Elder Nielson ekar ba. “Lōmḡnak kōn elōñ ḡanit ko im armej ro me būruweer rettā me kōḡ naaj kar itok im jeļā kajjeer im iakwe ekar lukkuun kaḡōñōñōik eō.”

Sister Nielsen ekar lukkuun laudiñdiñ. “Iakwe eñjake ke ikar wiini juon kawiiin! Ikar lukkuun ḡōñōñō im ļōmḡnak kōn aō nej jokwe ilo juon jikin ikar iien otemjej ettōñake aō loļok.”

Jilu iio tokālik, Nielsen rein rekar eñjake bwe jermal eo aer ilo Pacific ekar jino ļapļok tokjān jān aer kar maroñ kōļmenļokjenj kake.

“Inaaj indeeo kaḡḡoolol kōn kōjeraamḡman ko an iio kein jilu ikar jokwe ilo paradise,” Sister Nielsen

I IEN KO REMMAN
AN MIJENEDE RO

Kabwilōnlōn eo iumwin Wōjke Mañko eo

Jān Samuel Fairbank

Mōttan wōt jilu aō allōn innām
Menaaj dedeļok mijen eo aō. Juon
emmakūt jān eria ippān kōmpānien
eo aō ekāal ilo juon jikin ekāal ŋae-
tan Santa Barbara ekar kaamjak eō,
kamōṅōṅōik eō im ilōnin men otemjej
jar. Kampanien eo aō Elder Shettell
im ŋa kōmro kar jar kōn kabwilōnlōn
ko aolep raan. Kōm kar jab jeļā ia eo
kōmīn etal ŋane. Kōm kar jab jeļā ta
eo kōmīn kōmṅane. Kōm kar jab jeļā
ta kabwilōnlōn eo Anij ekar kōpooje.

Ekar ļap wōt am etetal iumwin aļ
ebwil. Im eļap wōt kōnono. Im kata-
kin. Ekar wōr juon raan Elder Shettel
im ŋa kōmro kar jānij ippān mijenede
ro jet. Elder Shettel im kampānien eo
an kar etetal anmiin, kampānien eo
aō im ŋa kōmro kar etetal anṅoon.
Kōmṅeañ kar karōke bwe kōmeañ nej
ioon doon ālkin ruo awa ko ilo jikin
eo kōm kar ijino ie.

Elder Shettel im kampānien eo an
rekar roļtok jejo minit mōkta. Ippilpil
kōn menokadu, āinwōt aolep raan ilo
Phillippines, rekar ijjet ilo ellor eo iturin
iaļ eo einwōt ekar juon jikin kakkije
emōj kōjnojok. Ak ke rekar ijjet, Elder
Shettel ekar eñjake bwe ren jab ijjet.
Ak ta eo renej kōmṅane eļāñne ewōr
juon armej ej kōttar er ilo eja tōre in
wōt? Kōn menin rekar jutak, etetal ļok
kijoone iaļ eo, laļļok ilo komļā eo ŋan



*Ālkin jilu iiō in jermal
in jipañ ko, Elder
S. Gifford Nielsen,
jān Jiljilimjuonñoul
eo im kōrā eo pāleen
Wendy Nielsen, rekar
ba iakwe ŋan aolep
armej ro ilo Pacific.*

ekar ba. “Ekar ļapļok an aiboojojļok,
kōbbōkakļok im kalimomoļok jān aō
kar kōļmenļokjeñ kake. Mōttan eo
emṅantata ej būruwōn im jetōb ko
an armej ro eļap iakwe im rewūjleļok
kōm kar jeraamṅan ŋan jeļā kajjeed
im iakwi.”

Elder Craig A. Cardon, jān Jiljilmjuon-
ñoul eo im rikakpilōklōk eo kein karuo ilo
Būreejtōnji eo an Pacific Eria, ekar kwaļok
an iakwe im kamṅoolol ŋan Nielsen rein
ilo iiō in kwaļok ko aer jilu.

“Erro jimor rekar tōl kōn būruweer.
Sister Nielsen ej kalimjek emṅan eo ilo ro
jet im jipañ jadbewōt ro rej pād ilo aikuj.
Elder Nielsen elukkuun itok limo ippān ro
jet im ej mōṅōṅō in kōmṅan jemjerā eo
ejeļok jemļokin.

Sister Nielsen ekar mije Elder Nielsen
ilo elōn wōt iaan ito itak ko an ilo Pacific
Eria im ekar itok limoin ekōnono ŋan
membōr ro im ro jeran jān Kabauñ eo
ipeļaaikin laļ kein.

“Ij oktak indeeo kōnke katak ko jān
lañ ikar maroñ ekkatak jān kajjojo armej
ro ikar ioon er im iakwe er ijin,” Sister
Nielsen ekar ba.

Nielsen ro aolep iien renaaj ememej
er kōn ettōn dikdik ko aer remṅan im
ṅwil in iakwe eo aer.

“Jān iakwe eo aer, jekar maroñ eñjake
im kile iakwe eo an Irooj,” Elder Cardon
ekar ba.

Elder Nielsen ekar kwaļok ke enaaj
aolep iien keememej armej in Pacific ro
reka im remōṅōṅō in kōmṅane jadbewōt
men ŋan kōmṅanṅanļok raan an bar
juon armej.

Ej kōjatdikdik bwe armej in Pacific renej
keememej e āinwōt juon armej eo eļap an
iakwe Irooj.

Ekar ŋan Elder Nielsen, Kabuñ in ilo
Pacific Eria ekar lo elōn emṅanļok ko
iumwin jilu iiō ko remootļok ilo an mem-
bōr ro jermal ippān doon ŋan kalōk Aelōn
in Kiiñ eo an Anij.

“Kōjatdikdik eo aō ej bwe aolep
membōr renaaj wōnṅaanļok im jar bwe
juon armej en pād ilo imaan iaļ ko aer
kajjojo raan eo me remaroñ imwe ilo
juon wāween eo emṅan, eļaptata aer
maroñ kwaļok naan in kamool ko aer kōn
jepļaahtok eo an Gospel eo ippāer,” Elder
Nielsen ekar ba. ■



Mary Ann im baamle eo an āliktata rekar peptaj tok n̄an Kabuñ eo an Jisōs Kraist im Armej ro Rekwojarjar ilo Raan-ko Āliktata

juon em̄ oran. Juon ikkur “tao po” im juon kōllāllā tokālik, juon kōrā ekar karuwaineneik er bwe ren delōñ. Ium̄win wōt jejo minit ko n̄an katakin, rekar katakin juon katak kōn Anij im baamle im Jeplaaktok eo. Liin ekar loḷok m̄weo raan eo ak liin ekar leḷok attōreej eo an im errā bwe remaroñ in loḷok baamle eo an Wōnje eo.

Ekar Wōnje. Kōm̄ kar diwōjḷok im pukōt m̄weo im̄on. Kōm̄ kar kajjitōk. Im bar kajjitōk. Im kōm̄ kar bōk jet iaḷ ko. Im jet iaḷ ko roktak. Innām kōm̄ kar jelā bwe juon kaar eban tōparḷok ijeñ. Kōn menin kōm̄ kar bōk juon baajkōḷ jilu neen. Innām Mary Ann ekar koḷḷ tok im ba bwe ejeḷok jerom̄ ilo m̄weo im̄on. Em̄oj an marok. Kōn menin kōm̄ ar bōj-rak im jab etal raan eo. Ekar inepata.

Raan eo juon kōm̄ kar bar kajjieoñ. Kōm̄ kar lo juon iaḷ ijo me kaar eo emaroñ ettōr ie. Im kōm̄ kar ettōrḷok ilo meḷaaj ko, im j̄an jikin kallib ko im kijoone bridge ko im ikōtaan wōjke ko im kau ko im ajri ro im m̄on jokwe ko. Innām kōm̄ ar bar ettōr ioon bar juon iaḷ, lōñḷok ilo toḷ jidikdik eo. Ekar jab lukkuun lōñ m̄on jokwe ko ak armej im̄aan iaḷ eo am̄. Ak kōm̄ kar etal wōt. Ilo tulōñ in toḷ jidikdik eo, kōm̄ ar loe juon jikin ebool kōn im̄on jokwe ko irear in iaḷ eo. Innām kōm̄ ar lo juon em̄ jidikdik kōm̄man j̄an kooba ej pād ium̄win juon wōjke mañko em̄or. Elder Shettell im n̄a kōm̄ro kar kalimjōk doon im ba, “m̄ool ke ejjab eñe.”

Kōm̄ ar etal n̄an em̄ jimāan ko iturin im kajjitōk. Ajri ro rekar jiroñ tok kōm̄ “Eñeweoo ijeñ! “Kōm̄ro ar jab

tōmak. Rekar jitōñḷok wōjke mañko eo.

M̄weo im̄on Mary Ann elukkuun eje-ḷok jarom̄ ie. Ak d̄an. Ak jabdewōt men ie. Ewōr nejier juon kidu im jet kau. Im bwe wōjke m̄anko ekilep im m̄or.

Kōm̄ ar jijet kōn juon kijeek kōnke ekar lukkuun marok. Ajri ro rekar diwōjtok j̄an jikin kitileek ko juon ḷok juon. Em̄ool, rilikin ro reban diwōj namōjtak emakijkij in joñan eo. Ilo m̄ool, rekar ro jinoin tata. Eḷaptata ro jinointata kōn jōot mouj ko im tae ko. Mary Ann ekar ba bwe ekar jar bwe en maroñ lo m̄ool eo. Innām, eija raan eo wōt ekar ioon kōm̄. Ekar ke juon iien eo me ruo men ko rekar waḷok ilo juon wōt iien? Ekar jab ij ḷom̄nak.

J̄an raan eo ilo Nobōm̄ba eo, aolep men rekar oktak. Mary Ann ekar tōmak ilo kabwilōñlōñ ko. Ekar kōḅaan in lo m̄ool eo n̄an baamle eo an.

Aolep̄an tōre eo kōm̄ ar katakin e, ikar ḷom̄nak ewi wāween aer naaj kar kobatok ilo kabuñ in. Ekar jab lukkuun lōñ aer j̄ān, ejeḷok waer kaar ak wōtō-bai, im rekar jokwe iḷḷapin juon jikin armej rejjab jelā kake.

Jilu wiik tokālik, kōm̄ ar jijet ilo m̄onjar eo im retok im lale an Mary Ann im ajri ro nej̄in kōḅan nuknuk in jar ko aer rem̄mantata. Rekar mijak im ettōñ tok n̄an kōm̄.

Juon etetal eaitok em̄an kilometer n̄an highway eo innām iuwe ilo juon jeep 25 minit n̄an im̄onjar eo ekar jab juon kabañbañ n̄an er. Rekar iakwe kabuñ eo. Rekar eñjake juon men me rejañin kar eñjake m̄okta. Im rekar jab maroñ kōttar in roḷtok.

Mary Ann ekar jino kijenmej im em̄man im diḅw̄ij an illu, juon men eo ekar jab ḷom̄nak emaroñ kar kōm̄-m̄ane. Ajri ro nej̄in rekar jino jouj im iakwe Anij. Rekar pojak. Im ilo juon raan aiboojoj ilo J̄anwōde eo, Mary Ann im ajri ro nej̄in em̄an rekar peptaj. Ekar juon raan eo me ij jamin naaj meḷokḷok e.

Jekar bōlen kōnono ipp̄an b̄ukwin armej ro raan eo me kōm̄ ar ioon Mary Ann. Jetōb eo ekar jiroñ kōm̄ bwe raan eo kōm̄in etal n̄an ijo me kōm̄ij kijoñ etal n̄ane. Im Jetōb eo bōlen ekar jiroñ Mary Ann eija menin wōt.

Ekar jinoin eo. Ikar ekkatak bwe kabwilōñlōñ ko rej waḷok bōtaab rejjab waḷok ilo jekjek eo me jej ḷom̄-ḷake. Im aolep iien aō loḷok m̄weo m̄weer. Juon katak ium̄win wōjke mañko eo kajjojo ālkin rālep. Ak juon kijeek tile n̄an juon iien ekkatak ilo boñ. Iien kein rekar erom̄ imminene in kabuñ n̄an kōm̄ im n̄an er. Ajri ro rej kōttar, m̄oñōñō in lo kōm̄. Im n̄an roñjake ennaan eo an Gospel eo an Jisōs Kraist. Kabwilōñlōñ ko ekkā aer waḷok me ejjab emakijkij aer loi.

Mary Ann ekar juon kabwilōñlōñ. Kabwilōñlōñ eo eḷap ikar kappukot e ekar kōm̄man elōñ n̄an juon taujin in kabwilōñlōñ ko reddik. Im ikar jab maroñ lo m̄ae iien ikar leliktak neeō, reilok n̄an E, im lukkuun loe āinwōt An loe. ■

Samuel Fairbank ej j̄an Adelaide, Australia im ej kiio pād ilo Buderim Ward ilo Sunshine Coast, Queensland. E ekar j̄erbal ilo Urdaneta, Philippines mijen j̄an J̄anwōde 2015 n̄an J̄anwōde 2017.